



Bájkkeavijssa NuorttaSálto

Sámedikkeráde oanesfilmav doarjju

■ Julev film oattjoj sámedikkerádes juollodum rudájt ietjas oanesfilmav "Bonki"

Filmma sihtá gæhttjijda dálusj sáme dijdav vuosedit, sæmme báttá dagu gæhttje bessi gæhttjat moadda vuorrasij dábdojt huksodievnastusán. Filmma gávvit ájnegis ulmuttjij tjiegadum máhtov, ja man ájnas le tjiegosvuodajt boahhte buolvvaj gaskostit ávdvál ájgge l vássám. Filma fádda le ájnegis ulmuttjij tjiegnalis máhtto man ruohtsa li dálusj sáme áskon, ja gáktu muhtem gássjelis politihkalasj dille vargga dáv árbbediedov gádot álles boahhte ájgijda. Gatjálvis mij de báhtsá le galla dákkir vuorbedis dile gávnuuji ietjá sajijn?

- Mij "Bonki" filmav doarjop danen gå dat dokumenteri sámevuodav ájggeguovddelis ja ádáájjgásasj birrasin, javllá Sámedikkeráde Vibeke Larsen. Filma álgo le muhtem dijdá Nuortta-Råmsås, ja dan vuodon le duohta histávrrá. Oajvvepersávná le hoavkes vuoras álmhá guhti muhtem institusjávnná Nuortta-Råmså guovlon árru. Gájka jáhkki hiebdes le, danen gå ij aktak sujna buvte guládallat. Gitta dalluttjij gå ádá bargge, nissun Sis-



Odd Levi Paulsen

Tæksta: Præssadiedadus Samediggi
Járggálibme: Divte Media AS

Finnmárkos dáhku álggá. Sån ájttsá oajvvepersávná le muhtem alvos tjiegosvuohtha mav sihtá ilmodit. "Bonki" galggá Ivgumuotki dáfojn báddiduvvat, Solhov institusjávnnátsiekkadusájn eksteriørra- ja interiørrabirástagán histávrráj. Filma ietjá ruhtadiddij gaskan le Nordlándá fylkkasuohkan ja álle

budsæhtta le 2,15 millijávná. Filmma vihpá sulle 15 minuhta. - Filmma le nanos media gå galggá subtsastallat, aj gå sáme hásstalusá ja subtsasa galggi subtsastuvvat. Julev Filma "Bonki" le ájnas viehken sáme filmmabuvtadibmáj, ja ávdet aj dav lasedum berustimev sáme filmas, lãhpat sámedikkeráde Vibeke Larsen.

Nuorajpolitihkkár Divtasvuonas

■ Viktor Inge Paulsen Ájluovtas le 20 jage vuoras ja le nomineridum nuppát sadjáj Vuona Sámij Rijkasiebre (VSR) listaj Sámedikkeválggaj Viestarmera válggabijran.

Vájku la vilá nuorra, de li sujna juo átsádallama kulturbargos ja politihkalasj dájma. Sån la Doajmma-Siebrre Julevsáme (DSJ)

Tæksta: Præssadiedadus NSR
Járggálibme: Divte Media AS

stivrrajádediddje, ja le Julevsáme Vahko prosjektadájmadiddje. Julevsáme vahkko le julevsáme kultur- ja giellavahkko man sisadno li dájma ja kursa julevsáme árbbedábij nali vuododum, ja vahkon tjadáduvvá dábálasj HellmoCup. - Munji le ájnas ávdedit sáme kultuvrav Divtasvuonan. Vierttip áttjudit ienep sáme dáhpádasá Divtasvuonan, ja dan diehti bargav mån julevsáme vahkujn. Muv mielas le ájnas jut nuora oadtju sáme fálddagájt ma sáme identitehtav nanniji, javllá Paulsen. Sån gielav ja kultuvrráássijis berus ja sávva máhtá daj ássijin liehket buorre ávdvagáven. - Sávav mij nuora galggap sámástit ja gáptijn vádtset ienebuv gå uddni dahkap, ja háldav oassálasstet vaj sjaddá luondulasj dav dahkat, joarkká listáájras. Mañnel gå lij guhka ájgev bargov áhtsám Divtasvuonan ja ittjij oattjo, de la dal Guovddagæjnnuj jáhtám. - Vierttip barggat ienep barggosajij ávdás

nuorajda, dat le gal sihkar, javllá Paulsen. Gå galgaj jáhtet de lij luondulasj válljit Guovddagæjnov. - Ájnas sivva manen válljijiv jur Guovddagæjnov, le gå sidáv árrót sajen gánná máhtáv nannit ietjam identitehtav. Gå áhpav nuorttasámegiela de aj sjattav smidásabbo julevsámegiela. Sávav aj sjaddat tjiehpav duodjár, javllá Paulsen, guhti sierraláhkáj berus duojes ja la duola dagu allasis sliehpáv gárrum. Paulsenin li aj átsádallama politihkalasj bargos, dalluttjis gå tjáhkkihij nuoraj fylkkadikken Nordlándan tjavtjas 2010 tjaktjaj 2012. - Muv mielas lij miellagiddis barggat politihkalasj ássij nuoraj fylkkadikken, valla dábddiv ittjiv nuohkásav oattjo barggat daj ássij ma lidjin munji ájnnasabmusin. Man berustav sáme politihkalasj ássijit, ja muv vásádasá vuona politihkalasj systemajn li sivva manen iv la tjáledahtám vuona politihkalasj belludahkaj, hæjtá Paulsen, 2. kandidáhta VSR:a listan Vestarmeran. (Runar Myrnes Balto)